

¡BOMBA!

En la mesa hay que ser fieles
y conscientes del motivo;
alcanzar el objetivo:
tratado sin aranceles



K'untzil

Edición de fin de semana, del viernes 20 al domingo 22 de marzo de 2026

CAMPECHE · YUCATÁN · QUINTANA ROO · AÑO 11 · NÚMERO 2687 · www.lajornadamaya.mx

CHIWOL,

CHAKU NAK' TS'O'OKE' NOJ CHÍIKUL TI'AL U NOOJOL-LAK'INIL MÉXICO



Tu noojol-lak'inil Méxicoe'kaja'an *Brachypelma vagans*, juntúul xchiwol ya'ab tsikbalóob jóok'sa'an tu paach, ts'ooke' téel k'iino'oba' mantats' ku ja'atsal beey Tliltocatl vagans, kajóolta'an ich káastelan t'aan beey *tarántula de panza roja, cola roja wa cadera roja*.

Juntúul am kaja'an téel lu'umo' ts'ooke' ku páan. Ku yantal México yéetel Centroamérica. K'a'anan ba'alche' téel lu'umo'obo' tumen séeb u kanik kuxtal tu'ux ku yantal, le beetike' noj chíikulal ti'al le lu'umo', beey tu tsolaj César Raziel Lucio Palacio, máax ku meyaj Departamento de Conservación de la Biodiversidad ti' u noj najil xook El Colegio de la Frontera Sur, Unidad Chetumal.

Ichil ba'ax tu ya'alaj Lucio Palacioe', xchiwole' séeb u sajakúunsik máak kex tumen ma' sajbe'entsil ti'al wiiniki'. Tliltocatl vaganse', jump'éel ti' ka'ap'éel jejeláas espeesyees ichil u jeeneroil Tliltocatl, ojeláan yaan tu Péetlu'umil Yucatán. K'a'anan tumen ku kanik kuxtal ti' lu'umo'ob jelbesa'an tumen wiinik.

Wa chéen jáan séeb u yila'ale', mu'uk'a'an u yila'al u wiinkilal xchiwol, ts'ooke' beey booxe'. U xch'uupulile', ku p'sik tak 7 cms u chowakil; ku maas nojochtalóob ti' u xiibilóobi', tumen le je'elo'obo' chéen wa ba'ax k'iin ku piitmaánsik 5.5 cms u chowakil. U paach u xch'upul chiwole' boox wa boox koob, yéetel yaan junt'ool tu bak'pachil, ka'alikil u xiibile' juul boox.

Tu nak' maas jach chíika'an wa leti': u xch'uupulile' yaan u chowak chak k'aank'an tso'otse, chíika'antak yéetel u jeel u tso'otse de boox, ka'alikil ti' u xiibile' mina'an u boonil de beyo'.

Suuk u yantal ti' mejen joolóob ku páanik ti' lu'um, ti' che'ob wa tuunichóob. Maas suuk u péek de áak'ab, ba'ale' ti'al yáax k'iine' ku péek de k'iin ti'al u kaxtik tu'ux siis óol.

Ku jaantik jmaaso'ob yéetel xna'ats'uno'ob. Ba'ale' keen nuukako'obe', ku ch'uuktik tak ba'axo'ob maas jach nojoch ti' leti' ts'ooke' ku tsa'ayal u jaant siinan, meerchóob yéetel tak mejen kaano'ob. Ti'al le je'elo', ku k'a'abéetkunsik beneenóo ku jáawsik u péek ba'ax ku jaantik, chéen ba'axe' le je'elo' ma' tu beetik k'aas ti' wiiniki'.

MIGUEL AMÉNDOLA
OOCHEL GLYNN MORRIS

ESPECIAL: FAUNA NUESTRA | P. 34 YÉETEL 35